

27 დეკემბერი, 2016 წ.

№2147

## აუდიტორული დასკვნა

სსიპ - გორის სახელმწიფო სასწავლო უნივერსიტეტის მიერ საქართველოს  
პრეზიდენტის სარეზერვო ფონდიდან გამოყოფილი თანხის ხარჯვის  
მიზნობრიობის შესახებ

სსიპ - გორის სახელმწიფო სასწავლო უნივერსიტეტსა (შემდგომში - უნივერსიტეტი) და შპს „კომპაუდს“ (შემდგომში - აუდიტორული კომპანია) შორის 2016 წლის 26 დეკემბრის გაფორმებული სახელმწიფო შესყიდვის №221 ხელშეკრულების საფუძველზე აუდიტორი კომპანიის მიერ ჩატარებულ იქნა უნივერსიტეტის მიერ საქართველოს პრეზიდენტის სარეზერვო ფონდიდან გამოყოფილი თანხის ხარჯვის მიზნობრიობის აუდიტორული შემოწმება.

აღვნიშნავთ, რომ საქართველოს პრეზიდენტის 2016 წლის 5 აგვისტოს №05/08/01 განკარგულების საფუძველზე, უნივერსიტეტის მიერ დაგეგმილი პროექტის - „მასწავლებელთა კვალიფიკაციის ამაღლებისა და პროფესიული განვითარების ცენტრის“ განხორციელების ხელშეწყობის მიზნით უნივერსიტეტს საქართველოს პრეზიდენტის სარეზერვო ფონდიდან გამოეყო 15200 ლარი. უნივერსიტეტის მიერ აღნიშნული თანხის გამოყენება-ხარჯვის ოპერაციები ნაწარმოებია 2016 წლის ნოემბერ-დეკემბრის თვეებში. თანხის ხარჯვა განხორციელებულია შესაბამისად შედგენილი „პროექტის ბიუჯეტის“ მიხედვით. კერძოდ, მითითებული ბიუჯეტით გაწერილ იქნა თანხის ხარჯვის მიმართულებები, სახელდობრ: ინტერაქტიული დაფა-პროექტორის (Smarts Bords) შეძენა - 10000 ლარი, ნოუტბუქის (1 ცალი) შესაძენად - 1130 ლარი, პროექტორის (1 ცალი) შეძენისათვის 900 ლარი, საკონფერენციო მაგიდისა და კედლის კარადის მასალების შეძენისათვის, შესაბამისად 550 ლარი და 400 ლარი, სკამების (15 ცალი) შესაძენად 420 ლარი, სპეციალური ლიტერატურის შეძენაზე - 1000 ლარი, სხვადასხვა საკანცელარიო საქონლის შესყიდვაზე - 400 ლარი და აუდიტორული მომსახურების ხარჯები - 400 ლარი.

ზემოთხსენებული მონაცემების მიხედვით შესაბამისი შესყიდვების საკითხები სათანადო კოდების შესაბამისად ასახულ იქნა უნივერსიტეტის 2016 წლის სახელმწიფო შესყიდვების კორექტირებულ გეგმაში (შესყიდვები IV კვარტალში, მთლიანი თანხით 15200 ლარი).

აღნიშნული შესყიდვების გეგმის შესაბამისად, სარეზერვო ფონდიდან გამოყოფილი თანხის ფარგლებში უნივერსიტეტის მიერ 2016 წლის 18 ნოემბრიდან 23 დეკემბრამდე პერიოდში განხორციელებულია სათანადო სახელმწიფო შესყიდვები გამარტივებული შესყიდვითი ფორმით. კერძოდ, მითითებულ პერიოდში ბიუჯეტითა და შესყიდვების გეგმით გათვალისწინებულ შესყიდვათა განხორციელების მიზნით უნივერსიტეტის მიერ სხვადასხვა ორგანიზაციებთან გაფორმებულია სახელმწიფო შესყიდვის სულ 10 ხელშეკრულება შემდეგი მიზნობრიობითა და სახელშეკრულებო თანხებით: შპს „ლაბ


დისტრიბუცია“ - ხელშეკრულება №198, 18.11.16 წ. - ინტერაქტიული დაფა მოკლევადიანი პროექტორით და პროექტორი - 9200 ლარი; შპს „ჯი და ჯი“ - ხელშეკრულება №201, 24.11.16 წ.- სამეურნეო მასალები და სკამები - 1258,70 ლარი; შპს „დეკორი“ - ხელშეკრულება №203, 02.12.16 წ. - სხვადასხვა საკანცელარიო საქონელი - 299 ლარი; ი/მ „გიორგი კანდელაკი-ვესტა“ - ხელშეკრულება №206, 09.12.16 წ. - საბეჭდო ქაღალდი - 67,0 ლარი; შპს „წიგნები დადიანზე“ - ხელშეკრულება №208, 14.12.16 წ. - ბეჭდური ლიტერატურა - 71,50 ლარი; შპს „ლატერნა“ - ხელშეკრულება №209, 14.12.16 წ.- ბეჭდური ლიტერატურა - 66,50 ლარი; შპს „ოდისეა“ - ხელშეკრულება №210, 15.12.16 წ. - ბეჭდური ლიტერატურა - 178,90 ლარი; შპს „წიგნის სამყარო“ - ხელშეკრულება №212, 19.12.16 წ. - ნაბეჭდი წიგნები და ენციკლოპედიები - 644,0 ლარი; ა(ა)იპ „განათლება და ახალი ტექნოლოგიები“ - ხელშეკრულება №216, 22.12.16 წ. - ბეჭდური ლიტერატურა - 36,0 ლარი; სს „ელიტ ელექტრონიკსი“ - ხელშეკრულება №218, 22.12.16 წ. - პორტაბელური კომპიუტერი (ლექტოპი) - 1050,0 ლარი.

ზემოაღნიშნული 10-ივე ხელშეკრულების მთლიანი სახელშეკრულებო ღირებულება შეადგენდა სულ, 12871,60 ლარს, რასაც უნდა დაემატოს აუდიტორული მომსახურების (შპს „კომპაუდი“) სახელშეკრულებო თანხა 400 ლარის ოდენობით. შესაბამისად, სახელშეკრულებო ღირებულებათა ჯამური მოცულობა შეადგენს სულ 13271,60 ლარს, რაც ზემოაღნიშნული ბიუჯეტითა და შესყიდვების გეგმით გათვალისწინებულ 15200 ლარზე 1928,40 ლარით ნაკლებია. აღნიშნავთ, რომ ყველა ხელშეკრულება სრულად და ვადაშია შესრულებული, შედგენილია სათანადო მიღება-ჩაბარების აქტები და წარმოდგენილია შესაბამისი საგადასახადო და სასაქონლო დოკუმენტაციები. უნივერსიტეტის მიერ ასევე ვადაშია განხორციელებული სათანადო ანაზღაურებები, რაც სახელშეკრულებო თანხების ადეკვატურია.

ყოველივე ზემოაღნიშნულიდან გამომდინარე, უნივერსიტეტის მიერ, საქართველოს პრეზიდენტის სარეზერვო ფონდიდან გამოყოფილი თანხის მიზნობრივ ხარჯვასთან დაკავშირებით აუდიტური კომპანიის მხრიდან არსებითი ხასიათის შენიშვნები არ დაფიქსირებულა. მივუთითებთ იმასაც, რომ დარჩენილი სხვაობის თანხა (როგორც ეკონომია და გაუხარჯავი თანხა) 1928,40 ლარი ექვემდებარება უკან დაბრუნებას პრეზიდენტის სარეზერვო ფონდის სასარგებლოდ.

აუდიტური კომპანია „კომპაუდის“  
დირექტორის მინდობილი პირი,  
აუდიტორ-პარტნიორი,  
(სერტიფიკატი: ზოგად აუდიტში  
ზ№5/572)



 ვ. კობიშვილი

აუდიტორ-პარტნიორი, სერტიფი-  
ცირებული აუდიტორი (სერთი-  
ფიკატი: ზოგად აუდიტში ზ№6/276;  
საჯარო სექტორში №0003)

 ვ. აბრალავა